

Član 2.

Sredstva iz člana 1. ove Odluke koristit će se kroz kreditne linije/subvencioniranje kamate od strane Općine za privredne subjekte, a plasirat će se putem izabrane banke, u cilju kreiranja novih radnih mjesta i podrške postojećim radnim mjestima.

Član 3.

Korisnici ove kreditne linije mogu biti svi privredni subjekti koji imaju sjedište i posluju na području općine Novo Sarajevo i koji su 100% vlasništvo državljana Bosne i Hercegovine, izuzetno od stava 1. ovog člana, korisnici ove kreditne linije ne mogu biti privredni subjekti koji:

- imaju neizmirenih obaveza prema Općini Novo Sarajevo, što će dokazivati uvjerenjem Službe za oblast privrede i finansija;
- obavljaju djelatnosti iz oblasti igara na sreću i
- obavljaju djelatnosti trgovine na malo oružjem i municijom.

Član 4.

Privredni subjekti moraju zadovoljavati opće uvjete za odobrenje kredita, u skladu sa procedurama i uvjetima izabrane banke.

Iz ove kreditne linije, u toku godine, jednom privrednom subjektu može se odobriti samo jedan kredit.

Krediti će se odobriti kao kratkoročni i dugoročni krediti.

Kratkoročni krediti će se odobravati na period od 12 mjeseci u maksimalnom iznosu do 30.000,00 KM, uz uslov zadržavanja broja zaposlenih na istom nivou u toku trajanja kredita. Dugoročni krediti će se odobravati na period do 36 mjeseci, i to:

- u iznosu do 100.000,00 KM, na period do 24 mjeseca, uz uslov zapošljavanja najmanje jednog radnika;
- u iznosu preko 100.000,00 KM, na period do 36 mjeseci, uz uslov zapošljavanja najmanje jednog radnika na iznose odobrene do 100.000,00 KM, a za svakih dodatnih 50.000,00 KM, privredni subjekt dužan je zaposliti jednog novog radnika, najkasnije u roku od tri mjeseca od dana odobrenja kredita.

Općina će regresirati kamatu na odobrene kredite u iznosu od 4%.

Član 5.

Izabrana banka će, u saradnji sa Općinom, raspisati Javni poziv, nakon čega će zainteresovani privredni subjekti, koji ispunjavaju definisane kriterije, zaključiti ugovor o kreditiranju sa bankom. Banka će vršiti kontinuirani tromjesečni monitoring za kratkoročne odnosno šestomjesečni monitoring za dugoročne kredite o namjenskom korištenju sredstava, u skladu sa potpisanim ugovorom.

Nakon što banka, svojim dokumentom, potvrdi da je privredni subjekt, korisnik kredita, ispunio sve ugovorene uslove, Općina će banci retroaktivno doznačiti iznos regresirane kamate, koja će isti prenijeti privrednom subjektu i o istom obavijestiti Općinu.

Član 6.

Služba za oblast privrede i finansija će pratiti realizaciju odobrenih kreditnih sredstava i polugodišnje odnosno godišnje obavještavati Općinsko vijeće o realizaciji sredstava ove budžetske pozicije.

Član 7.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-14-3014/15  
31. decembra 2015. godine  
Sarajevo

Predsjedavajući  
Općinskog vijeća  
Novo Sarajevo  
Dr. Igor Gavrić, s. r.

Bosna i Hercegovina  
Federacija Bosne i Hercegovine  
KANTON SARAJEVO  
OPĆINA NOVO SARAJEVO  
Načelnik Općine Novo Sarajevo

**ODLUKA**

**O USVAJANJU URBANISTIČKOG PROJEKTA  
"GRBAVIČKA"**

PREDLAGAČ:  
Načelnik Općine Novo Sarajevo

OBRADIVAČ:  
Zavod za planiranje razvoja  
Kantona Sarajevo

SARAJEVO, decembar/prosinac, 2015. godine

Na osnovu člana 44. stav (4) Zakona o prostornom uređenju ("Službene novine Kantona Sarajevo", broj 7/05) i čl. 13. i 19. Statuta Općine Novo Sarajevo ("Službene novine Kantona Sarajevo", broj 35/10), Općinsko vijeće Novo Sarajevo, na 36. sjednici održanoj dana 30.12.2015. godine, donijelo je

**ODLUKU**

**O USVAJANJU URBANISTIČKOG PROJEKTA  
"GRBAVIČKA"**

Član 1.

Usvaja se Urbanistički projekat "Grbavička" (u daljem tekstu: Plan).

Član 2.

1. Plan se sastoji od tekstualnog i grafičkog dijela.
2. Tekstualni dio sadrži:
  - a) Postojeće stanje i projekciju izgradnje i uređenja prostorne cjeline sa namjenom površina i urbanističko-tehničkim uvjetima za izgradnju u okviru Plana,
  - b) Odluka o provođenju Urbanističkog projekta "Grbavička",
  - c) Tehnički opis.
3. Grafički dio sadrži:
  - a) Grafički prilozi urbanizam:
    - (a) Izvod iz prostornog plana Kantona Sarajevo za urbano područje Sarajevo . 1:1000
    - (b) Ažurna geodetska podloga . . . . . 1:500
    - (c) Izvod iz studije stabilnosti Kantona Sarajevo. . . . . 1:1500
    - (d) Postojeće stanje . . . . . 1:500
    - (e) Karta rušenja . . . . . 1:500
    - (f) Namjena površina . . . . . 1:500
    - (g) Koncept prostorne organizacije. . . . . 1:500
    - (h) Osnova partera . . . . . 1:500
    - (i) Mreža građevinskih i regulacionih linija 1:500
  - b) Grafički prilozi arhitektura:
    - (a) Situacija . . . . . 1:500
    - (b) Osnova partera . . . . . 1:500
    - (c) Karakteristična etaža . . . . . 1:200
    - (d) Prizemlje . . . . . 1:200
    - (e) Etaža-1 . . . . . 1:200
    - (f) Etaža-2 . . . . . 1:200
    - (g) Presjek a-a . . . . . 1:200
    - (h) Presjek b-b . . . . . 1:200
    - (i) Fasade . . . . . 1:200
    - (j) Fasade . . . . . 1:200
    - (k) Prostorni prikaz . . . . . 1:200
    - (l) Prostorni prikaz . . . . . 1:200

- c) Idejno rješenje saobraćaja,
- d) Idejno rješenje hortikulture,
- e) Idejno rješenje snabdijevanja vodom i odvodnja otpadnih i oborinskih voda,
- f) Idejno rješenje toplifikacije-gasifikacije,
- g) Idejno rješenje elektroenergetike i javne rasvjete,
- h) Idejno rješenje TK mreže.

## Član 3.

Po jedan primjerak ovjerenog elaborata nalazi se na stalnom javnom uvidu i čuva se u službi dokumentacije Općine Novo Sarajevo i Zavodu za planiranje razvoja Kantona Sarajevo.

## Član 4.

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-23-2883/15  
30. decembra 2015. godine  
Sarajevo

Predsjedavajući  
Općinskog vijeća  
Novo Sarajevo  
Dr. **Igor Gavrić**, s. r.

Bosna i Hercegovina  
Federacija Bosne i Hercegovine  
KANTON SARAJEVO  
OPĆINA NOVO SARAJEVO  
Načelnik Općine Novo Sarajevo

## ODLUKA

O USVAJANJU URBANISTIČKOG PROJEKTA  
"GRBAVIČKA"

PREDLAGAČ:  
Načelnik Općine Novo Sarajevo

OBRAĐIVAČ:  
Zavod za planiranje razvoja  
Kantona Sarajevo

SARAJEVO, decembar/prosinac, 2015. godine

Na osnovu člana 47. Zakona o prostornom uređenju ("Službene novine Kantona Sarajevo", broj 7/05), čl. 13. i 19. Statuta Općine Novo Sarajevo ("Službene novine Kantona Sarajevo", broj 35/10), Općinsko vijeće Novo Sarajevo, na 36. sjednici održanoj dana 30.12.2015. godine, donijelo je

## ODLUKU

O PROVOĐENJU URBANISTIČKOG PROJEKTA  
"GRBAVIČKA"

## DIO PRVI - UVOD

## Član 1.

Ovom Odlukom utvrđuje se provođenje Urbanističkog projekta "Grbavička" (u daljem tekstu: Plan), a naročito: granice prostorne cjeline, urbanističko-tehnički uslovi za izgradnju građevina, uslovi za izgradnju objekata i uređenje građevinskog zemljišta, uređenje zelenih i slobodnih površina, te odnosi prema postojećim objektima kao i djelatnosti i uslovi pod kojima se pojedine djelatnosti mogu obavljati u planiranom prostoru.

## DIO DRUGI - OPIS GRANICE OBUHVATA

## Član 2.

Granica obuhvata polazi od tačke br.1 koja se nalazi na parceli k.č. 1065/1, a ima koordinate  $y=6532115$ ,  $x=4856104$ , potom produžava na sjever preko parcela k.č. 1065/1 i 3478/1, i dolazi do tačke br.2 koja se nalazi na parceli k.č. 3478/1, a ima koordinate  $y=6532100$ ,  $x=4856159$ . Granica obuhvata nastavlja u pravcu sjeveroistoka idući preko parcela k.č. 3478/1, 969/8 (koordinate prelomnih tačaka: br.3  $y=6532144$ ,  $x=4856190$ ; br.4

$y=6532136$ ,  $x=4856219$ ; br.5  $y=6532159$ ,  $x=4856225$ ; br.6  $y=6532161$ ,  $x=4856219$ ) i dolazi do tromede parcela k.č. 967, 969/8 i 3468/1, potom se lomi na jug sijekući u pravoj liniji parcele k.č. 958/8, 3468/2, 959, 958/1, 940/2 i dolazi u tačku br.7 koja se nalazi na medi između parcela k.č. 940/2 i 958/1, a ima koordinate  $y=6532264$ ,  $x=4856132$ , te skreće na zapad sijekući parcele k.č. 937/1, 938/1, 969/1, 1065/1, i dolazi u tačku br.1, odnosno do mjesta odakle je opis granice i počeo.

Sve navedene parcele se nalaze u K.O. Novo Sarajevo II, Općina Novo Sarajevo.

Površina obuhvata iznosi  $P=1,4$  ha.

DIO TREĆI - URBANISTIČKO-TEHNIČKI USLOVI ZA  
IZGRADNJU GRAĐEVINA

## Član 3.

U sklopu obuhvata ovog plana definisane su zone sa sljedećim namjenama:

- A/ Saobraćajna infrastruktura,
- B/ Stambeno-poslovna namjena (zamjenski i postojeći objekat).

## Član 4.

Izgradnja na ovom području vršit će se na osnovu ovog Plana.

## Član 5.

Urbanističko-tehnički uvjeti za izgradnju građevina:

- Realizacija svih građevina i zgrada unutar granica iz člana 2. Ove odluke vrši se na građevinskom zemljištu ograničenom regulacionom i građevinskom linijom.
- Građevinska linija utvrđuje prostor na kome je dozvoljeno lociranje i izgradnja zgrada.
- Spratnost objekata utvrđena ovim Planom ne može se mijenjati.
- Arhitektonski objekti predviđeni za izgradnju ovim planom moraju biti oblikovani i građeni od savremenih materijala.
- Uređaji i instalacije koji su u funkciji tehnološkog procesa normalnog rada objekta podzemne garaže trebaju se smjestiti u okviru osnovnog gabarita objekta.

Javne površine (zelene površine, parkirališta, pločnici i sl.) ne mogu se zaposjedati drugim objektima i sadržajima.

Pri izdavanju dozvole za građenje arhitektonskih objekata potrebno je pribaviti detaljan geološko-inžinjerski nalaz i uslove temeljenja od ovlaštenih stručnih institucija, a statički proračun mora se dimenzionirati za potrese najmanje 8° MCS.

Izgradnja objekata vrši se na osnovu idejnog projekta koji je sastavni dio ovog plana.

## Član 6.

Prema podacima izvedenim iz Prostornog plana Kantona Sarajevo, teren u granicama obuhvata je u grupi optimalno pogodnih terena za građenje - stabilan teren, bez posebnih uslova i ograničenja.

## Član 7.

Ukoliko tokom izrade Glavnog projekta, dode do izmjene u određenim segmentima Idejnog projekta zamjenskog stambeno-poslovnog objekta, izmjenu treba izvršiti na način da se ne narušava osnovna ideja prikazana ovim Urbanističkim projektom.

## Član 8.

Kod izrade Glavnog projekta zamjenskog stambeno-poslovnog objekta, moguće je dodati broj etaža podzemne garaže, prema potrebama investitora.

## Član 9.

Uređenje građevinskog zemljišta se mora izvesti u obimu i na način kako je to predviđeno ovim projektom. Izgradnja građevina ne može se započeti bez prethodno minimalnog uređenja građevinskog zemljišta pod čim se podrazumijeva obezbjeđenje saobraćajnog pristupa, priključenje na vodovodnu, kanalizacionu i elektroenergetsku mrežu, eventualnog izmještanja vodova

komunalne infrastrukture, i obezbjeđenja istih u svrhu normalnog odvijanja funkcija i potreba okolnih objekata i građana.

Član 10.

Izgradnja građevina u okviru granica obuhvata, ne može započeti prije izrade izvedbene dokumentacije, projekta građevinske jame i projekta zaštite okolnih objekata.

Član 11.

Izgradnja objekata privremenog karaktera može se odobriti samo za potrebe izgradnje arhitektonskih objekata, objekata komunalne infrastrukture i saobraćajnica koji su u funkciji gradilišta unutar obuhvata ovog Plana, kao i za potrebe kulturnih i sportskih manifestacija.

Član 12.

Uređenje zelenih površina u okviru granica obuhvata mora se izvršiti prije tehničkog prijema arhitektonskih objekata.

Član 13.

Prostor unutar granica zadatog obuhvata je tretiran kao javna površina koja nema ograda.

Član 14.

Uslovi za sklanjanje stanovništva i materijalnih dobara moraju biti obezbjeđeni u skladu sa odredbama Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", broj 39/03) i odredbama Uredbe o mjerilima, kriterijima i načinu izgradnje skloništa i tehničkim normativima za kontrolu ispravnosti skloništa ("Službene novine Federacije BiH", broj 21/05).

Član 15.

U postupku donošenja odobrenja za građenje, odnosno u postupku donošenja urbanističke saglasnosti i odobrenja za građenje nivelete pješačkih saobraćajnica, kao i prilazi i ulazi u građevine moraju biti isprojektovane i izvedene prema Uredbi o urbanističko-tehničkim uvjetima, prostornim standardima i normativima za otklanjanje i sprječavanje stvaranja arhitektonsko-urbanističkih barijera za kretanje invalidnih lica koja koriste

tehnička i ortopedska pomagala ("Službene novine Kantona Sarajevo", broj 5/00).

DIO ČETVRTI - ZAVRŠNE ODREDBE

Član 16.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-23-2882/15  
30. decembra 2015. godine  
Sarajevo

Predsjedavajući  
Općinskog vijeća  
Novo Sarajevo  
Dr. Igor Gavrić, s. r.

### Općinski načelnik

Na osnovu člana 50. i člana 146. Statuta Općine Novo Sarajevo ("Službene novine Kantona Sarajevo", broj 35/10) i člana 22. Odluke o izvršavanju Budžeta Općine Novo Sarajevo za 2015. godinu ("Službene novine Kantona Sarajevo", broj 1/2015) načelnik Općine Novo Sarajevo donosi

### ZAKLJUČAK

#### O IZDVAJANJU SREDSTAVA IZ BUDŽETSKE REZERVE

1. Odobrava se iz sredstava Budžeta isplata u iznosu od 5.000,00 KM (pethiljada) KM, za podršku Udruženju "Srce za djecu koja boluju od raka u FBiH" s ciljem pomoći u finansiranju završnih radova na izgradnji Roditeljske kuće koja je namijenjena za smještaj djece koja boluju od raka i njihovih roditelja koji dolaze van Kantona Sarajevo.
2. Troškovi iz tačke 1. padaju na teret sredstava tekuće rezerve.
3. Sa korisnikom sredstava navedenim u članu 1. Zaključka potrebno je zaključiti ugovor o dodjeli i utrošku sredstava.
4. Za realizaciju zaključka zadužuje se Služba za oblast privrede i finansije.

Broj 02-14-3002/15  
31. decembra 2015. godine  
Sarajevo

Općinski načelnik  
Nedžad Koldžo, s. r.

## OPĆINA STARI GRAD SARAJEVO

### Općinsko vijeće

Na osnovu člana 37. Zakona o budžetima u Federaciji BiH ("Službene novine Federacije BiH", broj 102/13, 09/14, 13/14, 8/15) i člana 25. i 70. Statuta Općine Stari Grad Sarajevo - Prečišćeni tekst ("Službene novine Kantona Sarajevo", broj 20/13), Općinsko Vijeće Općine Stari Grad Sarajevo, na sjednici održanoj dana 22. decembra 2015. godine, donijelo je

### ODLUKU

#### O IZMJENAMA I DOPUNAMA BUDŽETA OPĆINE STARI GRAD SARAJEVO ZA 2015. GODINU

#### I - OPĆI DIO

U Budžetu Općine Stari Grad Sarajevo za 2015. godinu ("Službene novine Kantona Sarajevo", broj 3/15) član 1. mijenja se i glasi:

Član 1.

Budžet Općine Stari Grad Sarajevo za 2015. godinu sastoji se od:

I PRIHODI I PRIMICI	20.643.486,00 KM
II RASHODI I IZDACI	20.643.486,00 KM
III SUFICIT/DEFICIT	-0-

Član 2.

Član 2. mijenja se i glasi:  
U članu 2. Prihodi i primici, rashodi i izdaci po vrstama i namjenama utvrđeni u bilansu plana Budžeta za 2015. godinu mijenjaju se i glase kako slijedi: